

جَزَائِرِ حَاكِمَتِ

جمعه ایرتسی

نومرو	شعبان	سنه	کانون اول	سنه	صحیفه
۱۰۶۰	۱۳	۱۳۱۷	۴	۱۳۱۵	۱۵۲۷۷

(امبو غزته بهر هفته جمعه ایرتسی کونلری چیقار . نه لکی درمعات ایچونه مجیدیه بکرمی غروسه)
 (مسایله التمه غروسدر . طره لر ایچونه اوده بسه غروسه یوسنه اهرتی ضم اولنور . بهر)
 (نسخه سی نه مجیدیه بکرمی غروسه اولور اوزره بوزیاریه هریده صایلور . درج اولنه جو اعلانانک)
 (هربرنده برمجیدیه اخذ اولنور . نه لکنه مشتری اولور استیاندلر عدلیه نظارتی دایره سنره لایحه جریده)
 (محاکم اداره سنه مراجعت ایلملیر .)

قسمت رسمی

(فی ۲۶ رجب سنه ۳۱۷ وفی ۱۷ تشرین ثانی)
 (سنه ۳۱۵ تاریخیه عموم ولایات استیناف)
 (حکمیه سی مدعی عمومیلرینه ومدعی عمومی)
 (بولمیشان محالیر مدعی عمومی معاونلرینه)
 (یازیلان تحریرات عمومیه صورتیدر)

مأمورین عدلیه نك ترفع و ترقیلری
 کندولرینك طلب واستدعاسنه لزوم کورنمکسزین
 احوال ووقوعات مسجله لری قیدینه مراجعتله
 تبیین ایدن قدم واهلیتلرینه نظراً صره سیله اجرا
 قلمخده بولندیقی واسباب صحیه دن ناشی بجایش
 و تحویل طلبنده بولن انلرک دخی علی الاصول
 رسمی بر استدعاینامه تنظیم وامللا وطیب راپوریله
 زمان اداره سی معاملاتق ناطق دفتری مذکور
 استدعاینامه یه ربط ایله نظارته قارشو واسطه
 مخبره اولان استیناف مدعی عمومیلرینه اعطا

مطبوعه كافيه سبك كوندريدكي بيانيله شقه مخصوصه
ترقيم قلندي .

قسم غير رسمي

خداوندكار ولايتي داخلنده مدانيه قصبه سنك
ايا قسطنطينوس محله سنده ساكنه قترين قادين
ايله قصبه مذكوره نك مريم انا محله سنده مقيم
ساقزلي اندون پينده محدث دعوايه دائر
خداوندكار استيناف محكمه سنندن ۹ ايلول سنه
۳۱۴ تاريخي ويكرمي عدديه ويريلان اعلام
مزبوره قترينه قادين طرفندن تميز ايدملكه اعلام
مذكور طرفينك اعتراض وجواب لايحه ليله
بالمطالعه تدقيقات تميزيه اجرا سنه ابتدار اولندي

اعلام مذكورك خلاصه مالى مرقوم
اندون كندوسنك مزبوره قترينه قادين ذمتده

اولديغندن مدعينك دعوای مذكوره سييله
مدعي عليها مزبوره قترينه معارضه سنك منعه
وحجزك رفع وابطالنه ومدعي عليها وكيلي ثمن
مبيعدن از غير استيفا سكسان ليرا ارامقده ايسده
ثمن مبيعك اللي ليراسي بوجه بشين اخذوقبض
ايتديكنك مزبوره قترينه طرفندن اعتراف
ايدليكي كي يوزاللي ليراسي دخي اجرا معرفيله
تسليم وايكييك ايكوز يمش التي غروشي دخي
مصارف محاكمه اوله رق محسوب قلنديني ظهر
اعلامده محرر اولوب باقي قرق التي ليرا قرق
ساتيم قاله رق بونك ده تحت حجزه ديرلديني
اكلش اولديغندن مدعي عليها نك زياده
ادعاسنك دخي ردينه دائر مدانيه بدايت محكمه سنندن
صادر اولان اعلام عند الاستيناف حكمك بر ماده
قانونيه تطبيق ايدلامسندن واسباب سائر ددن
طولاي فسخ اولندقدن صكره جريان ايدن محاكمه
وتدقيقات استينافيه نتيجه سننده مبلغ مدعا بهدن
مصارف محاكمه واجرت سفره واجرت وكالت
اولق اوزره بشيك يديوز اللي درت غروشي
شاين قبول اوله رق مستأنف عليها مزبوره قترينه
عائدي تحق ايتديكنه مستأنف مرقومك بوندن
فضله ادعاسنك ردينه ومبيعك وقت اشترا سنندن
زمان تسليمه دكين بدل ايجاري اوله رق ايستيلان

مصارف محاكمه وسفره واجرت وكالت وضرر
وزيان وبدل ايجار اوله رق الهجني اولان يكرمي
ايكييك درتيوز قرق ايكي غروشيك تأمين
استيفاسي ضمننده مزبوره نك دائره اجرا ده
موجود اولان يوز طقسان التي ليرا قرق بش
ساتيمدن يالكز بشيك غروشي تحت حجزه
التمش اولديغندن مزبوره نك جليله بالحاكمه
مبلغ مدعا بهك تحت حكمه التمشي وحجز موضوعك
تصديقي طلب ودعوى ايلسي اوزرينه جريان
ايدن محاكمه وتدقيقات ابتدائيه مدعي اندونك
ادعا ايدليكي مذكور يكرمي درتيك التيوز بر
غروش مياننده يدييك درتيك يكرمي طقوز
غروشي با اعلام محكوم اولوب بونك ايكييك
ايكوز يمش التي غروشي دخي مدانيه اجرا
دائرة سنجه تحصيل ايدلمش اولديني اعتراف ايلش
واعلاماتك حاوي اولديني مصارف محاكمه نك
تحصيل تكرار حكمه متوقف اولمامسنه مبني
محكوم بولنان اشبو يدييك درتيوز يكرمي طقوز
غروش دعواسنك تكرار رؤيتي محكمه نك
صلاحيتي خارجنده اولديني كي متباقي اون يدي
بيك يوز يمش ايكي غروش اجرت وكالت وضرر
ومصارف سفره ايله مبيعك بدل ايجارينك
استردادي حقنده اولان دعوى قانوناً مقبول

هنوز در دست رؤیت اوله رق نتیجه لتمامش و مصارف محاکمه و سایر دعوای بونک فرعی بولنش ایکن اصل دعوی نتیجه لتمامش فرعی اولان مصارف محاکمه و سایر دعوای بونک رؤیتیه قرار ویرلسی یولسز و مخالف قانون اولدیغندن بحثله اعلام مذکورک تقضی و مدعی علیه مرقوم اندونک لایحه سنده محرر نتیجه اجوبه سی دخی سرد اولنان اعتراضاتک واهی اولدینی بیانیله ردی و موافق اصول و قانون اولان اعلام مذکورک تصدیقی طلبندن عبارتدر

ایجابی مذاکره اولند قده اعلام مذکور مطالعه سندن اکلاشدینی اوزره مصارف محاکمه و سفریه و اجرت و کالت اوله رق ادعا ایدیلان مبالغک تحصیلیه قرار ویرلش ایسه ده مصارف مذکورمک مبنی علیهی اولان اعلام محکمه تمیزجه نقض ایدلسنه نظراً تکرار محاکمه جریانیله ینه مدعی حقلی چقدینی صورتده ادعا و حکم اولمق لازم کلور ایکن اساس مسئله فیصله پذیر اولمزدن اول مصارف مذکورمک تحت حکمه الندی مخالف قانون اولدیغندن اصول محاکمه حقوقیه قانوننک ایکوز اوتوز ایکنجی ماده سی موجبجه اعلام مذکورک تقضیه و قانون مذکورک ایکوز قرق بشنجی ماده سی حکمنه توفیقاً کیفیتک

بشیک التیوز اون التی غروش بختنه کلجه ثمن میعک الی ایکی لیراسی حین عقد بیعه مشتری مرقوم اندون جانبندن بایعه مزبوره قترینه تسلیم اولنش ایسه ده متباقی یوز الی لیراسی میعک تاریخ تسلیمندن اون بش کون مقدم اجرا دائره سنه اعطا قلنش اولسنه نظراً مجله نک ایکی یوز التمش ایکنجی و ایکوز یتمش سکنرنجی ماده لری حکمنجه ثمن میعی قبل القبض بایعک میعی حبس و توقیفه صلاحیتی درکار بولندیغندن بدل ایجار طلبنک دخی کذلک ردیله مارالبیان بشیک یدییوز الی درت غروش مصارف محاکمه و سفریه ایله اجرت و کالتدن اولجه مداینه اجرا دائره سی معرفتیه تحصیل اولنان ایکی بیک ایکی یوز یتمش التی غروشک بالتزیل متباقی اوچیک درتیوز یتمش سکنر غروشک مستأنف علیها قترینه خاتونه عائد اولمق اوزره محجوز بولنان قرق التی لیرا قرق بش ساتیمندن استیفاسی ضمننده حجز واقعک تصدیقه و معلوم المقدار مصارف محاکمه نک دخی مزبورده تحصیلیه حکمدن و مستدعیه تمیز قترینه قادینک اشبو حکم علیهنده لایحه سنده محرر اعتراضاتک باشلوجه سی خصمی مرقوم اندون ایله کندو پینده اصل خانه و یاغ خانه دعوای عند التمز نقض و اعاده قلنش اولدیغندن دعوای مذکوره

اعلام مذکورک خلاصه مآلی مرقوم حسین ایله برادر و همشیره لری مذکور یزب قریه سنده کائن معلوم الحدود قرق ایکی قطعه اراضی پدرلرندن کندولرینه انتقال ایدرک اون سنه دن زیاده زراعت و فلاحه ایتمه اولد قری حالد مرقومون حاجی بکر و مصطفی و عبدالرحمن اغالربلداخه اراضی مذکورینی طابو اداره سنجه عهده لرینه قید ایتدیرمکه بولند قلدنن بحثله مداخله واقع لرینک منعی و نتیجه محاکمه قدر قید معامله سنک تأخیرینی حلب بدایت محکمه سنه مراجعتله طلب و دعوی ایتلری جهتیه اول امرده طابو اداره سنجه جریان ایده جک معامله نک تأخیری ضمننده تذکره تسطیر اولند قدن صکره جریان ایدن محاکمه و تدقیقات نتیجه سنده منازع فیه اراضینک مدعی علیهم حاجی بکر و ورققاسنک انتقالاً تحت تصرفلرنده اولوب مدعیلرندن حسینک مذکور اراضی بی استیجار ایتدیک اقامه و استماع اولنان لدی التزیکه عدالتلری تحقیق ایدر شهودک شهادتلری ایله تبین ایتمش اولسنه مبنی مدعیلرک مذکور اراضی سندن کف یدلریله مدعی علیهم حقنده کی معارضه لرینک منعه دائر صادر اولان اعلام حکمنه مرقوم حسین ایله برادر و همشیره لری طرفندن عدم قناعتله استیناف دعوی اولنمی

بالرویه اعلامه ربطی ضمننده محکمه مذکوره به اعاده سنه وزیرده مفرداتی مرقم اوچیز طقسان اوچ بچق غروش مصارف تمیزیه نک ایلروده حقسنر چقه جق طرفه عائد اولمق اوزره اول امرده مدعی علیها قترینه دن الخمسنه ۲۳ اغستوس سنه ۳۱۵ تاریخنده متفقاً قرار ویرلدی.



حلب ولایتی داخلنده جبل سمعان قضاسنک یزب قریه سی اهالی سندن وزراعدن حسین و برادری محمد علی و همشیره لری امینه و مرشه قادینلر ایله حلبک بکره جی محله سی متمکنلرندن حاجی بکر و مصطفی و چولحه عبدالرحمن اغالربلرنده متکون دعوایه دائر حلب استیناف محکمه سندن ۲ نیسان سنه ۳۱۴ تاریخنی و بش عددی ایله ویریلان اعلام مرقومون حسین ایله برادری و همشیره لری طرفندن تمیز ایدلمکله اعلام مذکور طرفینک اعتراض و جواب لایحه لرلیله بالمطالعہ تدقیقات تمیزیه اجرا سنه ایتدار قلدی

قبل الفسخ اساس دعوانك رؤيت ايدلسى
ومنازع فيه اراضى قديم دنبرو مستدعيلرك تحت
تصرفنده اولديغى ادعا قلمسنة نظراً بوكا قارشو
درميان ايديلان ايجار خصوصتك بين الناس
معروف اولديغتك ثبوتى لازم كله جكنه وايكى
شاهدك شهادتيله معروفيت تحقق ايدميه جكنه
نظراً حكم واقع يولسز وقانونه مغاير ومستدعيلرك
اعتراضى وارد وموافق نفس الامر اولديغنه بناءً
اصول محاكمه حقوقه قانونك ايكوز اوتوز
ايكنجى وايكيوز قرق برنجى ماده لرى موجبجه اعلام
مذكورك تفضيله قانون مزبورك ايكوز قرق
در دنجى ماده سى موجبجه كيفيتك قانون داره سنده
اعلامه ربطى ضمننده محكمه مذكوره به اعاده سنده
وزيرده مفرداتى مرقم بشيوز التمش طقوز بحق
غروش مصارف تميزيه نك ايلروده حقسنز
چيقه جق طرفه رجوع ايتك اوزره اول امرده
مستدعى تميزلردن اخذينه ۱۴ تشرين اول سنه
۳۱۴ تاريخنده متفقاً قرار ويرلدى .

اوزرينه جريان ايدن محاكمه وتدقيقات استينافيه
نتيجه سنده مستأنفلك بداية استماع قلنان شهود
حقنده كى طعنلى افاده محرده قيلندن بولنديغى
كبي عند الاستيناف براى تحقيقات جلب واستماع
اولنان شاهدلر دخی اراضى مذكوره مستأنف
عليه لرك يندنه استيجار طريقه بولنديغى بيان
وافاده ايتمش اولدقلىرينه وشو حالده اعلام ابتدائى
اصول وقانونه موافق بولنديغنه بناءً تصديقه
حكمدن ومستدعيلرك اشبو حكم عليهنده
لايحه لرنده محرر اعتراضلرينك باشلوجه سى
ايجارك بين الناس معروف اولوب اولديغتك
تدقيق اولنماسى وعند الاستيناف اعلام ابتدائى
فسخ اولنمى سزین اساس حقنده شهود استماع
اولنمى مغاير قانون اولديغندن بحثله اعلامك
نقضى ولايحه جوابيه مؤداسى دخی حكم واقع
موافق اصول وقانون بولنديغى بيانيله اعتراضات
واقعك ردی واعلام مذكورك تصديقى
استدعاسندن عبارت بولنمشدر

ايجابى مذاكره اولندقده اعلام مذكور
مألندن منفهم اولديغى اوزره درجه اولى
محكمه سندن ويريلان اعلام عند الاستيناف اصول
وقانونه مغاير اولديغى صورتده فسخ ايدلدكدن
صكره دعوانك يكيدين رؤيتى لازم كلور ايكن

خزينه جليله ماليه ايله وان ولايتى داخلنده
جياچقور قضاسنك قاضى مادراك قريه سنده مقيم
حاجى محمود بك پيتنده متحدث دعوايه دار
جياچقور بدايت محكمه سندن ۷ كانون اول سنه
۳۱۴ تاريخى والى عدديله ويريلان اعلام
مومى ايله حاجى محمود بك طرفندن تميز اولنمغه
باش مدعى عموميلك مأموريت عليه سنك مطالعه
نامه سى الهرق اعلام مذكور طرفينك اعتراض
وجواب لايحه لريله بالمطالعه تدقيقات تميزيه اجراسنه
ابتدار اولندى

اعلام مذكورك خلاصه مالى مادراكلى
محمود بكك كفالتيله محمد بك عهده سنده احاله
اولنان قرای معلومه نك اوچيوز سنه سى اعشارى
بدلندن غيراز تسويه ملتزم مومى اليهك ذمتى
اولان بيك التيوز سكرسان طقوز غروشك كفيل
مومى اليهك تحصيلى حقنده خزينه جليله وكلى
طرفندن اقامه اولنان دعوانك اجراى محاكمه سى
ضمننده تعيين قلناس كونده كفيل مومى ايله
محمود بكك عدم اجابى اوزرينه وكيل مسخر
تعيينله جريان ايدن محاكمه وتدقيقات نتيجه سنده
خزينه وكلى طرفندن ابراز اولنان احاله دفتري
مؤداسنه كوره سنه مرقومهده مومى ايله محمد

بكك درعهده ايلديكى قراء مذكوره اعشارينه
مومى ايله محمود بكك كفالت ايتديكنك ثبوتنه
بناءً مدعا به اولان بيك التيوز سكرسان طقوز
غروشك مومى ايله محمود بكك تحصيلنه حكمدن
ومستدعى تميز محمود بكك اشبو حكم عليهنده
لايحه سنده محرر اعتراضاتك باشلوجه سى بوكى
التزامات وتمهيدات ايجون اعشار نظامنامه سى
حكمنجه ملتزمندن سدى اخذى اقتضا ايدر ايكن
احاله دفترينه بنای حكم ايدلسى مغاير قانون
اولديغندن بحثله اعلامك قضى ولايحه جوابيه
مؤداسى دخی اعتراض مذكورك غير وارد
اولديغى بيانيله ردی واعلام مذكورك تصديقى
استدعاسندن وانف البيان مطالعه نامه مالى دخی
دعوى خزينه جليله به عائد اولسندن ناشى اثنای
محاكمهده حاضر بولنديريلان مدعى عمومى
وكيلنك اعلامده صفت قانونيه سى كوسترلامسى
مغاير قانون اولديغى بيانندن عبارتدر

ايجابى مذاكره اولندقده اعلام مذكور
مندرجاتندن منفهم اولديغى اوزره بداية مدعى
عليه بولنان مومى ايله محمود بكك اوچيوز سنه سى
قراء مذكوره اعشارينه كفالت ايلديكنك احاله
دفتريله ثابت اولديغندن طولايى محكوميته قرار
ويرلمش ايسهده مذكور احاله دفتري مومى اليهك

کفالتی اثباته کافی اوله میوب بوبابده سند ومهر
وامضاسی ارا تلق لازم کلورکن محکمه جه احاله
دفترینه بنای حکم ایدلسی قانونه مغایر
ومستدعینک اعتراضی وارد وموافق نفس الامر
اولدیفنه بناء اصول محاکمه حقوقه قانوننک
ایکیوز اوتوز ایکنجی ماده سی موجبجه اعلام

مذکورک تقضنه وقانون مذکورک ایکیوز قرق
درنجی ماده سی حکمنه توفیقاً کیفیتک بالرؤیه
اعلامه ربطی ضمنده محکمه مذکوره به اعاده سنه
وزیرده مفرداتی مرقم درتیوز اوچ بحق غروش
مصارف تمیزیه نک ایلروده حقسنز حقیقه حق طرفه
عائد اولق اوزره اول امرده مستدعی تمیزدن
اخذینه ۳۰ اغستوس سنه ۳۱۵ متفقاً قرار
ویرلدی .

خداوندکار ولایتی داخلنده اسکیشهر
قصبه سنک اچغلان محله سنده مقیم سلیمان افندی ایله
محله مذکوره ده ساکن ابراهیم افندی بیننده متحد
دعوا به دأر خداوندکار تجارت محکمه سندن ۲۳

اعلام مذکورک خلاصه مالی مدعی
ابراهیم افدینک لوله طاشی وذخیره تجارقی
شرکتلرندن طولایی مزبور سلیمان افندی ذمتده
از غیر تسلیات با دفتر اله جنی اولان طقوز بیک
التیوز یتمش سکز غروشک تأمین استغاسی
ضمنده مومی الیه سلیمان افدینک اچغلان
محله سنده واقع معلوم الحدود سکز قطعه خانه
وترلاده کی حصص معلومه سیله ایکی رأس مع
بوزاغی صغیرینه وضع ایلدیکی حجزک تصدیقی
ومبلغ مذکورک تحصیلنی طلب ودعوی وبرقطعه
دفتر ابراز واعطا ایتسنه قارشو مدعی علیه
سلیمان افندی دخی مدعی ایله بینلرنده مذکور
شرکتلر انعقاد ایتش ایتسه ده مدعی به کندوسنک
برکونه ذمتی اولیوب الحق مذکور شرکتلردن
قرق ایکی بیک غروش قدر برزیانلری اولدیغندن
محاسبه لرینک میزله معرفتیه لرؤیتی مدافعه
بیان ایتسی اوزرینه مستند ادعا اولان دفتر

لدى التدقیق مذکور دفتر مومی الیه ابراهیم
افدینک مهرنجی حاوی اولوب التییک یدییوز
برغروش ایله قیاندینی ومحضرشهودده مهرلندیکی
اکلاشلغله مذکور دفترک مضموتی اثبات ایچون
تعیین اولنان کونده مدعی علیه عدم اجابتیه
مبنی وکیل مسخر حضوریه اقامه اولنان شهودک
استماعندن و اخیراً طرفینک موافقتیه وجاهاً
اجرای محاکمه لرینه بالابتدار شهود مرقومه نک
عدل ومقبول الشهاده اولدقلری لدى التذکیر
اکلاشیلهرق ذخیره شرکتی محاسبه لرینک میزله
معرفتیه لرؤیت وتدقیق اولنسی ضمنده محکمه جه
کیفیتک میزله حواله سیله میزله جانبندن محاسبه یی
ناطق ورود ایدن راپور طرفین مواجهه سنده
قرائت اولندقدن صکره اجرا قلنان محاکمه
وتدقیقات نتیجه سنده مدعی علیه مزبور سلیمان
افدینک مأخوذی اولان یکریمی درتیک اوچیز
سکز غروش سرمایه ایله معامله سنه ابتدار
ایلدکلری ذخیره صاشی مدعی مومی الیه ابراهیم
افدینک دفترینه موافق ومدعینک شرکتدن
خارج بشیوز کیله بغدادی موجودی بولندینی
کی مدعی علیه ذخیره سرمایه سی اولهرق
اوتوز بیک غروش مدعیدن الدیفنه دأر محکمه ده
سبق ایتش اولان اقرارینه نظراً بوبابده کی

انکاری مردود بولندینی راپور مذکورده بیان
ایدلسنه بناء مدعی مرقومک لوله طاشی شرکتدن
التییک یدییوز برغروش وبغدادی اثماندن دخی
ایکی بیک یدییوز یکریمی درت غروشکه
من حیث المجموع مدعی علیه مومی الیه سلیمان
افندی ذمتده طقوز بیک درتیوز یکریمی درت
غروش اله جنی اولدینی تبین وتحقق ایتسنه بناء
محله نک بیک سکز یوز اون سکزنجی وبیک
بشیوز سکسان برنجی ماده لری احکامنه توفیقاً
مبلغ مذکورک مزبور سلیمان افندی تحویلده
وحین تحویلده قدر فائض نظامیسنک یوریدلسنه
ووضع اولنان حجزک دخی تصدیقه دأر اسکیشهر
بدایت محکمه سندن صادر اولان اعلامک استینافاً
تصدیقته حکمدن ومستدعی تمیز مومی الیه
سلیمان افدینک اشبو حکم علیه لایحه سنده
محرر اعتراضاتک باشلوجه سی دعواى واقعه
شرکتدن متولد اولدیغندن میزله حواله سی
طلب اولنمشیکن ذخیره شرکتک لوله طاشی
شرکتدن بالتفریق یالکز ذخیره شرکتک
میزله حواله ایدلسی ومستند ادعا اولنان دفترک
غیر مصدق واختیاجه غیر صالح اولدیغندن مدار
حکم اتخاذی جائز دکل ایکن اکا بنای حکم
ایدلسی ودعوی بشیک غروشندن فضله

اولدیغندن شهود شخصیه استماعی جائز اولدینی
 حالده شهود شخصیه استماع و قبول ایدلسی یولسز
 اولدینی عندالاستیناف در میان ایدلشیکن استینافاً
 درجه اولی محکمه سنک اشبو یولسز معامله سی
 نظر دقت واعتیایه التفسیرین حکم ابتدائیک
 تصدیقی جهته کیدلسی مخالف قانون اولدیغندن
 بحثله اعلام مذکورک نقضی ومدعی علیه ابراهیم
 افندینک لایحه جوابیه سی مؤداسی دخی سرد
 اولنان اعتراضاتک واهی اولدینی بیانیله ردی
 وموافق اصول وقانون اولان اعلام مذکورک
 تصدیقی طلبندن عبارت بولمشد

ایجابی مذاکره اولندقد اعلام مذکور
 مطالعه سندن اکلاشلدینی اوزره دعوای واقعه
 طرفین بیننده منعقد اولان لوله طاشی و ذخیره
 شرکتندن متولد اولوب بومثللو امور شرکتندن
 متولد اولان منازعاتک حکملر واسطه سیله فصل
 وحسم ایدلسی احکام قانونیه اقتضاسندن اولسنه
 نظراً دعوای مذکورک بدایت محکمه سنجه
 رؤیت وحکم ایدلسی مخالف قانون اولدینی کی
 محاکم تجارتک املاک اوزرینه حجز وضعه
 صلاحیت قانونیه سی بولمیدینی حالده مدعی علیه
 املاکی اوزرینه اسکیشهر تجارت محکمه سنجه
 حجز وضع وتصدیق ایدلسی قانونه مغایر بولمیدینی

والده خاتمه مقيم ايران دولتی تبعه سندن
 مشهد اگا ایله حمیدیه قریه سنده ساکنه حاجی
 حسین اگا کریمه سی فاطمه خانم بیننده متکون
 دعوایه دائر در سعادت بدایت محکمه سی ایکنجی
 حقوق دائره سندن ۶ مایس سنه ۳۱۵ تاریخ
 وسکسان درت عددی ایله ویریلان اعلام مرقوم
 مشهد اگا طرفندن تمیز اولمغله ایران دولتی

ترجانلرندن محمد ابراهیم بک حاضر اولدینی حالده
 اعلام مذکور طرفینک اعتراض وجواب
 لایحه لریله بالمطالعہ تدقیقات تمیزیه اجراسنه ایتدار
 اولندی

اعلام مذکورک خلاصه مالی مزبوره
 فاطمه خانمک مرقوم مشهد اگا ذمتده باسند
 الهجنی اولان بش عدد لیرای عثمانینک تحصیلنه
 دائر در سعادت بدایت محکمه سی ایکنجی حقوق
 دائره سندن استحصال ایدلیکی اعلام غیابی علیهنده
 مرقوم مشهد اگا طرفندن اعتراض علی الحکم
 استدعاسی اعطا قلغش ایسده یوم معینده
 وقوعبولان دعوته اگوی مرقوم اجابت ایتماش
 اولدیغندن اصول محاکمه حقوقیه قانوننک یوز
 الی سکرنجی ماده سی موجبیه مار الذکر
 اعتراض علی الحکم استدعاسنک ردینه حکمدن
 ومستدعی تمیز مشهد اگانک اشبو حکم علیهنده
 لایحه سنده محرر اعتراضاتک خلاصه سی کندوسی
 تبعه ایرانیه دن اولدینی حالده انای محاکمه
 ترجانک حاضر بولندیرلماسی ومستند حکم
 اولان سند وکیل مسخر طرفندن انکار ایدلش
 اولمغله قانوناً ایجاب ایدن معامله نک اجرا
 قلغماسی یولسز ومغایر قانون اولدیغندن بحثله

اعلام مذکورک نقضی استدعاسندن ومدعی علیها
 فاطمه خانمک لایحه سنده مندرج نتیجه جوابی
 ایسه اعتراضات مسروودنک واهی وبی اساس
 اولدینی بیانیله ردی وموافق اصول وقانون
 اولان اعلامک تصدیقی طلبندن عبارت بولمشد
 ایجابی مذاکره اولندقد اعلام مذکور
 مطالعه سندن منقهم اولدینی اوزره بدایت معترض
 بولنان مشهد اگانک یوم معینده عدم اجابتی
 اوزرینه اولبالده کی اعتراض استدعاسنک ردینه
 قرار ویرمش ایسده علیهنده اعتراض اولنان
 حکم غیابینک عیناً ویا خلاصه اعلام میزبه درجی
 مقتضی ایکن بوجهندن ذهول ایدلسی مخالف
 قانون اولدینی کی معترضک ایران دولتی تبعه سندن
 بولمسنه نظراً دعوای واقعه نک انای رؤیتده
 ترجانک حاضر بولندیرلماسی لازم کلور ایکن
 انک دخی حاضر بولندیرلماسی یولسز ومغایر
 اولدیغنه ومستدعینک اعتراضی دخی بوجهته
 متدائر اوله رق شایان قبول بولندیغنه بناء اصول
 محاکمه حقوقیه قانوننک ایکوز اوتوز ایکنجی
 ماده سی موجبیه اعلام مذکورک نقضیه قانون
 مذکورک ایکوز قرق دردنجی ماده سی حکمنه
 توفیقاً کیفیتک صور محرره دائره سنده بالرؤیه
 اعلامه ربطی ضمتده محکمه مذکوریه اعاده سنه

غیر از استیفا الہ جفی اولان اوتوز اوچ لیرانک
مع فائض تحصیل حکمنی حاوی محکمہ مذکورہ دن
اعطا اولان اعلام غیابی حکمنہ مرقوم قاپریل
اغا طرفندن اعتراض ایدیلرک معاملہ اقراض
واستقراضک درسعادتہ شوشانیان سحاق اغا
ایله وقوعبولسنہ وداین مزبور سحاق اغایہ وقوع
بولان تسلیماتدن طولای مدعی نشان افندینک
انکاری حالندہ تحلیفہ اقتداری اولماسنہ وظهر
سندہ سحاق اغا طرفندن یازیلان شرح مقرر ایله
مقرلہ بینندہ وقوعبولمش برمعاملہ دأر بونک
کندوسنہ عدم سرایتی بدیی اولسنہ نظرآمدی
نشان افندینک کندیسنہ قارشو خصم اولمیه جفی
وظهر سنددہ ارانہ اولنان تسلیماتدن ماعدا
یکرمی سکز عدد عثمانی لیراسی دها داین
مزبور سحاق اغا امریله تسلیماتی وقوعبولدیغنی
مدافعہ بیان وانبا ایتمش ایسہدہ جریان ایدن
محاکمہ وتدقیقات نتیجہسندہ مستند ادعا اولان
سندک مدعی نشان افندی نفی ملک ایدلمش
اولسی جہتیلہ بوندہ مقرر قبولنہ محل اولدیننی
کبی مدعی مرقومک اقراری حالندہ مدعی علیہک
برائی لازم کلہجکی جہتیلہ تسلیمات دعواسندن
طولای مدعینک مدعی علیہ قارشو خصم
اولدیننی قرارگیر اولمش ومعترض مرقوم قاپریل

وزیردہ مفرداتی مرقم اوچیوز طقسان سکز
بیچق غروش مصارف تمیزیہنک ایلرودہ حقسنز
چیقہ جق طرفہ رجوع ایتک اوزرہ اول امردہ
مستدعی مرقوم مشہد اغادن الخمنہ ۲۶ تموز
سنہ ۳۱۳ تاریخندہ متفقاً قرار ویرلدی .

وانک ترمز اوغلی محلہسندہ ساکن ترمزبان
قاپریل اغا ایله تیمور پاشا محلہسندہ مقیم قالجیان
نشان افندی بینندہ متحدت دعویہ دأر وان
بدایت محکمہسندن ۲۰ مارت سنہ ۳۱۵ تاریخنی
ویکرمی بر عددی ایله ویریلان اعلام مرقوم
قاپریل اغا طرفندن تمیز ایدلمکله اعلام مذکور
طرفینک اعتراض وجواب لایحہلریلہ بالمطالعہ
تدقیقات تمیزیہ اجراسنہ ابتدار اولندی

اعلام مذکورک خلاصہ مالی مزبور
نشان افندیہ عائد اولوب شوشانیان سحاق اغا
نامنہ مستعار اولان برقطعہ سند موجبہ افندی
مومی الیہک مرقوم ترمزبان قاپریل اغا ذمتدہ

اغانک یکرمی سکزا لیرا تسلیماتی حقندہ برکونا
علم وخبر ابراز ایدہ مامش اولدیننی کبی داین
مزبور سحاق اغانک دخی بوبایدہ برکونا امری
سبق ایتدیکی مزبور سحاق اغانک اجرا قلنان
تحلیفیلہ ثابت اولمش اولسنہ بناء مدعاہ اوتوز
اوچ لیرانک فائضیلہ برابر مرقوم قاپریل اغادن
تحصیلنہ حکمدن ومستدعی تمیز قاپریل اغانک
اشبو حکم علیہندہ لایحہسندہ محرر اعتراضنک
باشلوجہسی مستند ادعا اولان سند حوالہ قبول
ایدر سندادن معدود اولیوب عادی سند اولغلہ
ہرنہ قدر اصل داین اولان سحاق اغا الہ جفی
مزبور نشان افندیہ حوالہ ایتمش ایسہدہ
کندوسی حوالہی قبول ایتدیکی جہتیلہ مقبول
ومعتبر اولمیه جفی حکم قانون اقتضاسندن ایکن
محکمہ جہ مذکور حوالہنک معتبر عدیلہ
کندوسنک محکوم ایدلمسی مخالف قانون اولدینندن
بجتلہ اعلامک نقضی ولایحہ جوابیہ مؤداسی
دخی سرد اولنان اعتراضک واهی اولدیننی
بیانیلہ ردی وموافق اصول وقانون اولان اعلام
مذکورک تصدیقی استدعاسندن عبارت بولنمشدر
ایجابی مذاکرہ اولندقدہ اعلام مذکور
مطالعہسندن اکلاشدیننی اوزرہ مبرز سند
ترمزبان قاپریل اغانک سحاق اغایہ قرق لیرا دینی

اولدیننی ناطق اولوب سحاق اغا بوالہ جق
کندوسنک اولیوب نشان افندینک اولدیننی
اقرار ایدلسی جہتیلہ مجلہ جلیلہنک بیک بشیوز
طقسانجی مادہسی موجبہ دین ایکنجی مقرلہ
ثابت اولور ایسہدہ حق قبض برنجی مقرلہ عائد
اولدینندن مبلغ مدعاہک سحاق اغا طرفندن
دعوی ایدلسی ومحکمہ جہ دخی اکا تأدیہسنہ
حکم اولنسی لازم کلور ایکن محکمہ جہ ایکنجی
مقرلہ نشان افندی طرفندن اقامہ اولنان
دعوانک قبولیلہ مبلغ مدعاہک اکا تأدیہسنہ
حکم ایدلسی مخالف قانون اولدینندن اصول
محاکمہ حقوقیہ قانوننک ایکوز قرق برنجی
مادہسی موجبہ اعلام مذکورک نقضنہ وقانون
مذکورک ایکوز قرق بشنجی مادہسی حکمنہ
توفیقاً کیفیتک بالرویہ اعلامہ ربطی ضمیمہ محکمہ
مذکورہ اعادہسنہ وزیردہ مفرداتی مرقم
اوچیوز طقسان اوچ بیچق غروش مصارف
تمیزیہنک ایلرودہ حقسنز چیقہ جق طرفہ عائد
اولق اوزرہ اول امردہ مستدعی تمیز مرقوم
قاپریل اغادن اخذ اولنسنہ ۲۴ اغستوس سنہ
۳۱۵ تاریخندہ متفقاً قرار ویرلدی .

اعلان

بک اوغلنده تپهباشنده ۲۶ نومرولی خانه ده ساکنه صوفی حکمیان طرفندن محل مذکورده فریدیه جاده سنده دعوی وکیلی کیغورق اقدینک بلا نومرو خانه سنده ساکن الیوم اقامتگاهی مجهول بولنان ماريسا قالوستیان ذمتده برقطعه سنده یکرمی واجیقندن دخی اوتوز عددکه جمعا الی عدد لیرای عثمانیک تحصیلی حکمی حاوی بک اوغلی بدایت محکمه سی برنجی حقوق داره سندن ۲۱ تشرین ثانی سنه ۳۱۴ تاریخ و ۲۲۸ عددی ایله صادر اولان اعلامک بر صورتی مرقوم ماريسا قالوستیانک معلوم بر اقامتگاهی اولماسندن ناشی اصول محاکمه حقوقیه قانونک یوز قرق طقوزنجی ماده سی حکمنه توفیقا محکمه مذکورده دیوانخانه سنه تعلیق اولندیگی کبی غزیه لرله دخی اعلان کیفیته قلندی .

۲۰ تشرین ثانی سنه ۳۱۵

بوسنه لی امین اغانک با اعلامی نظامی قوندره جی حسن اغا ذمتده محکوم به الهجفی اولان مبالغک تأمین استیفاسی ایچون مدیون مرقومک عهده سنده اولوب دروننده بربرکدکی مفاخر و حکما محجوز فاتحده زنجیری قیو قربنده عتیق علی پاشا محله سنده واقع تخمیناً الی بش آرشون عرصه اوزرینه مبنی فوقانی و تحتانی درت اوطه و سائره یی حاوی طقسان طقوز نومرولو ناتمام کارگیر بر باب خانه تمامی بالمزایده لیرا یوزغروش حسابیه اوچیک بشیوزغروشده طالبی عهده سنده تقرر ایدرک موقتاً قراردادده سی کشیده قلنمش اولدیغندن یوزده بش ضمیمه طالب اولانلرک یوزده اون پی اچقه لرله برابر اوتوز برکون ظرفنده در سعادت اعلامات نظامیه اجرا داره سنه مراجعت ایملری اعلان اولنور .

۱۱ تشرین ثانی سنه ۳۱۵

یحیی حلی بکه اولان دین محکومک تسویه سیچون علی رضا بکک کوکصو جاده سنده

مزارلق زقاغنده الی نومرو ایله مرقم دروننده اخشاب درت اوطه وایکی صفه وبر مطبخ و آبروجه براوطه لی کوشک وایکی اخوری ودرت بشیک چاوش و سائره اوزوم کتوکنی وبشیوزی مجاوز اشجار مثمره یی و ماء لذیزی حاوی بش دونم مقداری برقطعه باغ بوندن اقدام موقع مزایده یه قونیه رق عثمانی لیراسی یوزغروش حسابیه اوچیک یوزغروشده طالبی عهده سنده قلنمش و تاریخ اعلاندن اعتباراً اوتوز برکونه یعنی کله جک کانون اول رومینک یکرمی دردیجی جمعه کونی ساعت اوته قدر یوزده بش ضم قبول اولنسی و ذکر اولنان یوم و ساعتده صوک مزایده سی بالاجرا قرار قطعیه ویریلهرک طالبی عهده سنه کچورلسی مقرر بولنمش اولدیغندن واندن صکره هر نه ضم وقوعبولور ایسه قبول اولنیه جقندن مذکور باغه یوزده بش ضمیمه طالب اولانلرک ودها زیاده معلومات المق ایستیانلرک مدت مرقومه ظرفنده بدل مزایده نک عشرینه مساوی پی اچقه سیله برابر محکمه تجارت اجرا داره سنه مراجعت ایملری ویوم ووقت مزبورده مذکور باغ پیشگاهنده حاضر بولنملری دائرة مذکورده دن اعلان اولنور .

۲۳ تشرین ثانی سنه ۳۱۵

اوستریا و مجارستان دولتی تبعه سندن موسیو فردیناند پوخ و شرکاسنک سباعی زاده سلیمان بک و اولادلری ذمتده برنجی محکمه تجارت اعلامیه

اولان مطلوب محكومك محجوز وفروختی مقرر
بولتان لاله‌لیده قزل طاش محله‌سندہ طلعت افندی
زقاغندہ تختندہ شهری یوزغروش ایجارہ محملی
برباب دکانی حاوی درت نومرو ایله ملک محل ایله
مخلوط حرم وسلاملق یکرمی اوطہ‌بی ومشمولات
سائرہ‌بی شامل برباب اخشاب قوناق ایله قوم قپودہ
محسنہ خاتون محله‌سندہ اوردکلی بقال زقاغندہ واقع
اون نومرولی وشہری اوچ لیرا ایجارہ محمل
کارکیر برباب قہوہ خانہ‌ک تمامی ایله چارشوی
کیردہ مرجان اغا محله‌سنگ اوریجیلر جادہ‌سندہ
کائن اون سکز نومرولی وشہری ایکی بیچ
لیرایہ محمل برباب دکان دروندہ مستقر تجار
ایله اخذواعطاسی اولیان ونظامی بر عدد قزاز
کدکنک تمامیلہ اوقافدن مضبوط قوجہ مصطفی
پاشای عتیق وقفندن مذکور اون سکز نومرولی
وشہریہ قرق اوچ انچه اجارہ لو ملکک اوچ
ربع حصہ‌سنگ بش حصہ اعتباریلہ اوچ حصہ‌سی
وایاصوفیہ کیر وقفندن جادہ مذکورده یکرمی
نومرولی وشہری یکرمی انچه اجارہ مؤجلہ‌لو
برباب دکان ملکیلہ دروندہ مستقر حرمین
محترمین کدکندن تجار ایله اخذواعطاسی اولیان
نظامی وشہری اون بش انچه اجارہ مؤجلہ‌لو
ایکی عدد کدکنک انجیق بر عدد اوریجی کدکی
وجنتمکان سلطان محمود خان ثانی حضرتلری
کدکندن شہریہ التمش انچه اجارہ مؤجلہ‌لو

مذکور یکرمی نومرولی دکاندن مستقر ایکی
عدد کدکنک بر عدد قزاز کدکی وقوسقہ‌دہ
معمار کمال الدین محله‌سندہ لالہ‌لی جادہ‌سندہ التمش
نومرولی وفوقندہ براوطہ‌بی مشتمل وشہری ایکی
یوزغروش کیرالو برباب کارکیر شکرچی دکانیلہ
دکان مذکورک اتصالنندہ واقع التمش ایکی
نومرولی فوقندہ برباب اوطہ‌بی مشتمل وشہری
ایکی یوزغروش کیرالو بقال دکانی التمش درت
نومروایله مرقم کذلک فوقندہ برباب اوطہ‌بی
حاوی وشہری ایکی یوزغروش کیرالو برباب
اجزاجی دکانک نصف حصہ لریلہ سکبان باشی
یعقوب اغا محله‌سندہ حسن پاشا قرہ‌غولی
جادہ‌سندہ یوز اوچ نومرولی وشہری یوز
غروش کیرالو برباب بر دکانی ایله اتصالنندہ
کائن یوزبش نومرولی وشہری یوز قرق غروش
کیرالو برباب قالجی ویوزیدی نومرولی وکذلک
شہری یوز قرق غروش کیرالو برباب کاغدی
دکانلرینک نصف حصہ شایعہ‌لری تاریخ اعلاندن
اعتباراً اون بش کون صکرہ موقع مزایدہ وضع
اولنہ جغندن اشتراستہ طالب اولانلرک ودها زیادہ
معلومات المق ایستیانلرک محکمہ تجارت اجرا
دائرہ‌سنہ مراجعت ایتملری اعلان اولنور .